

# INUIT ATAQATIGIIT

## INATSISARTUNI



16. juli 2020

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

1. **2019-mi Inatsisartuni Ukiakkut Ataatsimiinnermi Imm. 59, 128 & 134 Inatsisartunit akuersissutigineqarput, Naalakkersuisunullu suliaqkiutigineqartut, suliasat taakku sumut killiffeqarnersut paasisaqarfigerusunnarput.**
  - a. **Annerpaamik 0,2 procentimik THC-mik akulinnik cannabisimik nioqqutissiat (tassani cannabisolia aamma eqqarsaatigalugu) qaqugu inerteqqutaajunnaarsinneqarnissaat Naalakkersuisunit naatsersuutigineqarpa?**
  - b. **Danskit misileraanerattut nakorsat ataasiakkaat immikkut akuersissummik piniaqqaaratik nakorsaatitut akuerisaanngitsumik cannabisimik nakorsaasiillutik nakorsaanissamik periarfissaqarlersillugit misileraanermik aallartitsinissaat qaqugu piviusunngortinneqarnissaa Naalakkersuisunit naatsersuutigineqarpa?**
2. **Suliamut tunngasumik Naalakkersuisut allamik ilassutissaqarpat?**

(Inatsisartunut Ilaasortaq Peter Olsen, Inuit Ataqtigiiit)

### **Tunngavilersuut:**

Naluneqanngitsutut Inatsisartuni 2019-imi Ukiakkut Ataatsimiinnerni Immikkoortut 59 & 128 Inatsisartunit akuersissutigineqarput. Taamaaliornikkut Inatsisartut Naalakkersuisut peqqaat Naalakkersuisut cannabisimik nioqqutissiat annerpaamik 0,2 procentimi THC-mik akullit suulluunniit Kalaallit Nunaanni inatsisinik unioqqutitsinertaqanngitsumik tuniniarneqarsinnaanngornissaat suliarissagaat.

Tamatuma saniatigut Immikkoortoq 134 Inatsisartunit akuerineqartoq Naalakkersuisunik peqqusivoq danskit medicinsk cannabisimik misileraanerat assigalugu Kalaallit Nunaanni misileraanermik pilersitsisoqassasoq,

taamaaliornikkut nakorsat ataasiakkaat immikkut akuersissummik  
piniaqqaaratik nakorsaatitut akuerisaanngitsumik cannabisimik  
nakorsaasiillutik nakorsaanissamik periarfissaqalersillugit misileraanermik  
ingerlatsisoqalernissaa Inatsisartut aalajangerpaat.

Tamanna pillugu paaserusuppara Naalakkersuit suliassanut qulaani  
pineqartunut tunngatillugu suliaat sumut killissimanersut.

Taamatut tunngavilersuuteqarlunga matumuuna apeqquteqaatiga  
ingerlateqqippara.

Kissaatigaaralu apeqqutima ullut qulit iluanni akineqarnissaat.